

Wanem prodak nao fama bai I ekspektem sapos hemi manejem gud wudlot o plantesen blong hem?



3. Prodaks

Bes prodaksen long saed blong kwaliti timba blong Nangai I kro bigwan long wan stret stampa long wan tri nomo sapos oli manejem gud wudlot folem ol manejen tekniks ia.

Rison hemi from:-

- Ol tri oli helti, bebet I no kilim ol tri long wudlot o plantesen mekem se ol timba i save stap longtaim.
- Oli save karem bigfala mani long timba mo frut.
- Hemi olsem wan bank we I laef I stap long kraon mo oli save usum olsem wan Karanti blong siki-urem wan lon long bank blong mekem bisnis o buildem haos.
- Hemi fiuja blong ol pikinini blong tomoro.
- Hemi addem ekstra valiu long kraon.
- Valiu blong wudlot hemi hae mo sapos oli planem ol akrikalja krops wetem ol Nangai tri ia, fama I save winim mani long ol difren taim bifo I karem mani aot long ol wud blong hem.

Sapos yu wantem moa infomesen long saed blong manejem gud wan wudlot o plantesen, plis

kontaktem eni Ofis blong Dipatmen blong

Forestri long Provins klosap long yu blong oli save helpem yu.

Telefon namba blong ol forestry ofis long ol Provins I go olsem,

- | | |
|--|-------|
| 1. Forestri Dipatmen HQ long Shefa | 23171 |
| 2. Forestri Dipatmen long Tafea | 88634 |
| 3. Forestri Dipatmen Ofis long Malampa | 48705 |
| 4. Forestri Dipatmen Ofis long Sanma | 36616 |
| 5. Forestri Dipatmen Ofis long Penama | 38186 |
| 6. Forestri Dipatmen Ofis long Torba | 38557 |

Produced by Phyllis Kamasteia
Mapping Officer
Planning Section



Stret Fasin blong manejem ol Nangai tri insaed long wan wudlot o plantesen

September, 2010

Dipatmen blong Forestri I prodiusum smol liflet ia wetem faenensial sapot blong NZAID long saed blong neseri establishmen mo wudlot manejen.

1. Pruning hemi bes teknik blong applaem long wudlot o plantesen.



1. Pruning (Fasin blong katemaot ol fes branj) long wan tri.

Stret taim blong stat katemaot sam fes branj blong wan tri hemi afta 3 yia. Katemaot 1 o 2 branj nomo. Mekem bakagen afta 2 o 3 yia. Fasin ia save stop nomo taim tri I kro longfala bitim haet blong wan man.

Rison blong applaem teknik ia hemi blong:-

- Mekem se stampa blong Nangai tri I kro smut mo I stret wetem wan bigfala stampa nomo.
- Impruvum kwaliti blong timba mo leftemap valiu blong hem long lokol o ovasi maket.
- Ridiusum ol problems blong katem timba mo tannem I kam olsem ol finis prodaks.
- Helti Nangai tri I minim se prodaksen blong ol fruts tu I hae.

Mekem pruning nomo long ol tri we yu planem long wan boundary. Be sapos yu planem from ol sids blong hem, bai I no nid blong mekem pruning from ol nuts blong hem, hemi luk olsem orchard.

2. Thining hemi narafala bes teknik tu blong applaem long wudlot o plantesen.



2. Thinning (Fasin blong katemaot samfala tri sapos oli fasfas tumas insaed long wudlot o plantesen)

Narafala teknik we oli mas applaem taim ol wud oli kasem 10—15 yia hemi blong katemaot sam smol Nangai tri we oli fasfas tumas o I gat nara tri we oli no kro gud nating wetem hemia we oli bin planem mo kipim hemia nomo we I kro stret.

Rison blong applaem teknik ia hemi blong:-

- Mekem se Nangai I kat inaf spies mo kakai long kraon blong helpem ol tri blong oli kro gud mo helti.
- Lukaotem gud ol Nangai tri nomo we oli planem folem spacing blong mekem se bai I gat gudfala timba prodaksen we valiu blong hem I hae.
- Inkrisim kro mo valiu blong Nangai tri.
- Ol kaen wud we oli kro andanit long shed ia nao oli safamo. I minim se ol kaen wud olsem ia nao, oli mas katemaot blong I no kompit from kakai long kraon mo san wetem ol gudfala wud we oli bin planem.

3. Widing tu hemi nara samting we I kontribiut bigwan long manejmen insaed long wan wudlot o plantesen.



3. Widing (Fasin blong katemaot kras o rob we I fasfas raon long stampa blong Nangai).

Widing aktiviti I save tekem ples long wan taim long evri 2 wik. I minim se fama I save katem kras tu taim nomo long wan manis. Bai I dipen plante long tu long weta mo wanem kaen bus we oli planem Nangai long hem. Sapos tumas ren, I minim se I mas gat mo widening long wan manis. I kat tri kaen widening:-

- **Ring widening** (katemaot kras o rop 1 mita raon long stampa blong tri).
- **Laen Widing** (katemaot kras o rop 1 mita aot long tufala saed blong laen blong ol tri we oli planem).
- **Openemap laen** (katemaot ol narafala tri we oli stap long saed blong laen blong ol tri we yu planem).

Rison blong katemaot kras o rop raon long stampa blong ol tri I blong:-

- Tri I fri blong kro hariap mo bai I gat wan hae pesentej blong ol tri we I laef.
- No alaoem tri blong kro krukut blong I no spolem kwaliti blong tri.
- Ples I klia blong stopem sik ino afektem kro blong tri blong hemi kro helti oltaim,
- Nogat narafala tri, kras o rop I faet from kakai long kraon.